

## INSTRUCCIÓN XERENCIAL DO 13 DE AGOSTO DE 2018 PARA A APLICACIÓN DO PAGO AO PERSOAL DA UNIVERSIDADE DE VIGO DOS ATRASOS CORRESPONDENTES AO INCREMENTO DO 1,5 POR CENTO E AO INCREMENTO ADICIONAL DO 0,25 POR CENTO PREVISTOS NA LEI 6/2018, DE 3 DE XULLO, DE PRESUPOSTOS XERAIS DO ESTADO PARA 2018

### Asunto: Incremento retributivo

O II Acordo para a mellora do emprego público e de condicións de traballo subscrito o pasado 9 de marzo de 2018, fixou para os empregados públicos no período 2018/2020 un incremento retributivo fixo máis unha porcentaxe adicional de incremento ligado ao crecemento da economía, que deberán recollerse nas respectivas leis anuais de orzamentos xerais do Estado.

As previsións para este ano, recóllense no artigo 18.2 da Lei 6/2018, de 3 de xullo, de Orzamentos Xerais do Estado para 2018, publicada no BOE do 4 de xullo.

Así, establécese un aumento do 1,5% das retribucións do persoal do Sector Público, respecto ás vixentes a 31 de decembro de 2017, con efectos do 1 de xaneiro de 2018, e un incremento adicional do 0,25%, sobre as retribucións vixentes a 31 de decembro de 2017, con efectos do 1 de xullo de 2018, se o crecemento do PIB a prezos constantes en 2017 alcanzara ou superara o 3,1%.

Polo tanto, débese aboar ao persoal, altos cargos, persoal eventual, P.A.S. e P.D.I. funcionario ou laboral, que percibe as súas remuneracións con cargo ao capítulo I dos orzamentos da Universidade de Vigo, a excepción do laboral de convenios ou proxectos cuxas remuneracións se financian con cargo a fondos europeos, estatais ou autonómicos, os atrasos correspondentes ao incremento do 1,5% das retribucións dende o 1 de xaneiro ao 30 de xuño de 2018, e a partir do 1 de xullo os correspondentes ao incremento do 1,75% neste ano 2018, toda vez que no Consello de Ministros do pasado día 13 de xullo xa se aprobou tamén o incremento do 0,25% adicional.

A aplicación dos incrementos anteriores, de ser posible, realizaranse na nómina correspondente ao mes de setembro.

Vigo, 13 de agosto de 2018

A Xerenta

XERENCIA  
Universidade de Vigo

Raquel Souto García

SRA. XEFA DE SERVIZO DE RETRIBUCIÓN E SEGUROS SOCIAIS